



मंत्र “वंदे मातरम” ते समृद्धी का मंत्र -आत्मनिर्भर भारत”। गणतंत्र दिवस परेड दी शुरुआत प्रधानमंत्री नरेन्द्र मोदी हुंदे आसेया राष्ट्रीय युद्ध स्मारक पर फुल्ल चाढ़ने कन्नै होग। राष्ट्रपति द्रौपदी मुरमू होर कर्तव्य पथ पर पुजगंन ते शानदार मार्च-पास्ट दी सलामी लैगंन- जेदे च सशस्त्र बलें- अर्धसैनिक बलें- Auxiliary सिविल बलें- NCC ते NSS दे दस्ते शामिल होगंन। इस बरे परेड दौरान बकख-बकख राज्यें- केन्द्र शासित प्रदेशें- केन्द्रीय मंत्रालय दे मैहकमें थमां 30 झांकियां पेश कीतियां जागंन। इनें झांकियें च देश दे हर क्षेत्र च बदा रदी आत्मनिर्भरता ते राष्ट्रीय गीत वंदे मातरम दे डेढ़ सौ बरे सबूरे होने गी दर्शाया जाग। त्रौनें सेनाएं दी झांकी च आप्रेशन सिंदूर- Victory Through Jointness पेश कीती जाग जेदे च भारतीय फौज- भारतीय नौ-सेना ते भारती वायु सेना दी सांझी मजबूती ते एकता बारे दस्सेया जाग। परेड च फौज दे 18 दस्तें ते 13 बैंड हिस्सा लैगंन। गणतंत्र दिवस समारोह च 29 हवाई जहाज बी अपने करतव दस्सगंन जेदे च रफैल-सुकोई- 30- C-295- Mig- 29- ते अपाचै शामिल न। इस दौरान ढाई जहार थमां बद्ध कलाकार-सांस्कृतिक प्रस्तुति बी देगंन। 53 वर्गें च 10 जहार थमां बद्ध विशेष परौहनें गी इस बारी साद्दा दिता गया ऐ।

<><><><><><><><>

Prez- R. Day Message

राष्ट्रपति द्रौपदी मुरमू होरें आकखेया ऐ जे देश दे आर्थिक भविक्ख गी रुपरेखा देने च आत्मनिर्भर ते स्वदेशीपन दा मुख सिद्धांत न। उनें आखेया जे भारत दे नौजवान उद्यमी- खडारी- साईसदान ते दुए विशेषज्ञ- देश दी ऊर्जा गी बदा रदे न ते वैश्विक स्तर पर अपनी पंछान कायम करा रदे न। राष्ट्रपति मुरमू होरें ए गल्ल 77में गणतंत्र दिवस दी पूर्व संध्या पर

राष्ट्र दे नां अपने सम्बोधन च आक्खी। राष्ट्रप्रति होरें आखेया जे साड़े देश च नौजवानें दी आबादी दुनिया च सब्भनें शा मती ऐ ते साड़े नौजवानें च बड़ा हुनर ऐ.

<><><><><><>

Prez Self Employed

अपने सम्बोधन च राष्ट्रप्रति होरें आखेया जे वैश्विक उथल-पथल दे बावजूद- भारत लगातार आर्थिक विकास- दर्ज करा रदा ऐ। उनें आखेया जे साड़ा देश दुनिया दी सब्भनें शा तेजी कन्ने बदने आली अर्थबवस्था ऐ। सारें गी इकट्ठे रलियै पहले देशा दे जज्बे कन्ने कम्म करने ते भारत गी होर गौरवशाली बनाने आस्तै अपील करदे होई राष्ट्रप्रति मुरमू होरें आखेया जे गणतंत्र ध्याड़ा- देशभक्ति दे जज्बें गी गूड़ा करने दा मौका ऐ। अपने सम्बोधन च राष्ट्रप्रति होरें आतंकवादी ढांचे खलाफ भारत दी कारवाई ते आप्रेशन सिंदूर दा बी जिक्र कीता। उनें आखेया जे आप्रेशन सिंदूर दौरान आतंकी ठिकानें गी नश्ट कीता गया हा ते मते सारे आतंकवादियें गी मारी मुकाया गया हा।

राष्ट्रप्रति मुरमू होरें आखेया जे देश दा विकास नितियें ते कार्यक्रमें जरिए होर रफ्तार फड़ोग-जेड़े जे नौजवानें दी इच्छाएं ते आकांक्षाएं पर आधारित होग। राष्ट्रप्रति होरें भरोसा दोआया जे युवा शक्ति देश गी 2047 तोड़ी विकसित भारत बनाने च अहम भूमिका निभाग। प्रकृति कन्ने प्रेम ते तालमेल कन्ने जीने दी जीवनशैली गी भारत दी सांस्कृतिक रीति दस्सदे होई राष्ट्रप्रति होरें आखेया जे जीवनशैली देश दे सनेह दा आधार हुंदी ऐ- जेड़ा वैश्विक समुदाय गी दिता जंदा ऐ यानि Lifestyle for Environment (LIFE). उनें आखेया जे मनुक्खता दा भविक्ख उस्सलै गै

सुरक्षित रेही सकदा ऐ जिसलै पूरे विश्व च शांति होग- ऐसे माहौल च जित्थे दुनिया दे बड़े सारे देशों च तनोतनी लग्गी दी ऐ- भारत विश्व शांति दा सनेया देया रदा ऐ।

<><><><><><>

PM Republic Day

प्रधानमंत्री नरेन्द्र मोदी होंरें गणतंत्र दिवस पर देशवासियें गी शुभकामनां दितियां न। इक सोशल मीडिया पोस्ट च प्रधानमंत्री होंरें कामना कीती जे एह दिन देश दे नागरिकें च नमी ऊर्जा ते उत्साह लेइयै औग- तां जे इक विकसित राष्ट्र दा निर्माण कीता जाई सकै।

<><><><><><>

JMU R-Day

जम्मू-कश्मीर च 77मां गणतंत्र दिवस बड़े उत्साह ते जज्बें कन्नै मनाया जा रदा ऐ। जम्मू दे एम.ए स्टेडियम च उपराज्यपाल मनोज सिन्हा होंर मुख गणतंत्र दिव दी अध्यक्षता करगंन ते परेड दी सलामी लैगंन। मुखमंत्री उमर अब्दुल्ला होंर बी इस मौके पर मौजूद होंगंन। समारोह आली थाहरा सुरक्षा दे लोइचदे बंदोबस्त कीते गेदे न ते दर्शकें दी भीड़ दे प्रबंधन लेई बी इंतजाम कीते गेदे न। पुलिस ते CRPF- सुरक्षाकर्मी मती गिनतरी च तैनात कीते गेदे न। पूरे जम्मू च सेना- BSF ते दूई सुरक्षा एजेंसियां तालमेल बनाइयै निगरानी रक्खा रदियां न ते अंतराष्ट्रीय सीमा- नियंत्रण रेखा ते बन्ने कन्नै लग्गदे इलाकें च सर्तकता बरती जा रदी ऐ। जम्मू जिले सनें पूरे जम्मू प्रांता च सुरक्षाबलें आसेया तलाशी अभियान बी चलाए जा रदे न। पहाड़ी ते दूर-दरेडे इलाकें च आतंकवाद विरोधी अभियान बी जारी न।



भूषण कन्नै सम्मानित होने आलें च पार्शव गायिका -अल्का याग्निक -उत्तराखंड दे साबका मुखमंत्री -भगत सिंह कोशयारी- तमिनाडू थमां कल्लीपत्ती- रामास्वामी पालानीस्वामी- मल्यालम अभिनेता Mammooty शामिल न। दुए सम्मानित शखिसयतें च न- Nori Dattatreyaudu- Vijay Amritraj तमिलनाडू थमां S.K.M. Maeilananddham, Shatavadhani R. Ganesh, Banker Uday Kotak ते Vellappally Natesan शामिल न। Piyush Pandey, V.K. Malhotra ते Shibu Soren होरें गी मरणोपरांत पदम भूषण कन्नै नवाजेया जा रदा ऐ। 113 मानजोग लोकें गी पदम श्री पुरस्कार आस्तै तालेया गया ऐ। पुरस्कार चौथा सब्भनें शा उच्चा नागरिक सम्मान ऐ। एह सम्मान कला- समाजिक कम्में- लोक मामलें- दवाइयें- राई बाई- साहित्य- शिश्रा ते खेड्डें दे क्षेत्र च विराल ते महत्वपूर्ण सेवा देना आस्तै दिता जंदा ऐ। स्टार भारतीय बल्लेबाज रोहित शर्मा- प्रविन कुमार ते भारतीय महिला क्रिकेटर टीम दी कप्तान हरमनप्रित कोर-बलदेव सिंह- के. पजानिवेल- सविता पुनिया होरें गी खेड्डें दे क्षेत्र च उन्दे योगदान आस्तै पदम श्री कन्नै सम्मानित कीता जा रदा ऐ।

<><><><><><>

Bharat Reactions

पदम श्री पुरस्कार 2026 हासिल करने आले प्रसिद्ध समाज सेवी ब्रिज लाल भट्ट होरें आखेया ऐ जे इस उच्चे सम्मान गी पाने लेई ओ अपने आपै गी इक माध्यम गै समझदे न। उनें जम्मू थमां आकाशवाणी संवाददाता कन्नै गल्ल कीती.

<><><><><><>

Cricket T-20

क्रिकेट च भारत नै न्यूजीलैंड पर 8 विकेटें कन्नै त्रिए टी-20 मैच च जित हासल कीती ऐ। ए मैच पंज मैचें दी श्रृंखला हेठ ए.सी.ए स्टेडियम बारासापारा गुवाहटी च पिच्छली रातीं खेडेया गया। सूर्यकुमार यादव दी अगुआई च भारती टीम श्रृंखला च 3-0 कन्नै अगगै ऐ। लक्ष्य दा पिच्छा करदे होई- भारत नै सिर्फ 10 ओवरें च 2 विकेटें दे नुकसान पर जित अपने नां कीती। अभिषेक शर्मा नै 20 गेदें च 68 रन्ज ते कप्तान सूर्यकुमार यादव नै 26 गेदें च 57 रन्ज बनाए। अभिषेक शर्मा होर दुई सब्बनें शा तेजी कन्नै टी-20 अंतराश्ट्रीय हाफ-सैंचुरी बनाने प रिकार्ड बुक च शामिल होई गे न- जिनें ए मुकाम 14 गेदें च हासल कीता। जसप्रित बुमराह गी “प्लेयर ऑफ द मैच” घोषित कीता गया।

<><><><><><>

Highway

जम्मू-श्रीनगर राश्ट्रीय जरनैली सिड़क पर कल थमां गै गड्डियें दी आओ-जाई शुरु होई गेई ऐ। भारी बर्फबारी दे चलदे 35-40 घंटे रस्ता बंद रौहने दे मगरा कल ट्रैफिक आस्तै इसी खोली दिता गया हा। 23 जनवरी गी बड्डले 5 बजे सिड़कें पर बर्फ इकट्ठी होने करी- राश्ट्री जरनैली सिड़क गी बंद करी दिता गया हा।

<><><><><><>